

CIMELIA

Qu

4858

Ferris.



4858
CIMELIA

S.W. 563

Cim. Qu. 4858

VITA BEATI CASIMIRI CONFESSORIS
ex serenissimis Polonię regibus, & magnis Lituanie
ducibus clarissima Reuerendissimo patre dño
Zacharia Ferrerio Vicentino pontifice
Gardię in Poloniā & Lituaniam legato
apostolico ex fide dignorū testium
depositionibus scripta.



St. Casimirus Regis Casimiri filius quattuor Regum et vnus Cardis
nalis germanus ac Ludovici Hungarię et Boemię Regis patruus.



psalmo
cxviii.

Faciem tuā illumina super seruū tuū dñe, & doce me iusti. tuas.

VITA BEATI CASIMIRI CONFESSORIS.

IN nomine sanctę & indiuidę Trinitatis Patris, & filię, & spiritus sancti Amē. ZACHARIAS Dei & Apostolicę sedis gratia Episcopus Gardien Sanctissimi in Christo patris & dñi nostri dñi Leonis diuina puidentiā Papę decimi prelati domesticus, & referendarius, ac per vniuersum Regnum Polonię, & magnū ducatum Lituanie & Moscouię, omnesq; & singulas terras eisdem Regno & ducatibus mediate vel immediate, aut alis quomodolibet subiectas cū omnimoda legati de laterē, & maioris penitentiarij de vrbe potestate nuncius, & orator, atq; ad infra scripta Commissarius specialis vniuersis & singulis christianę religionis professoribus salutem, & æternam fœlicitatem. Immensa & incomprehensibilis dei sapiētia habitans in consilio, & eruditis prestandens cogitationibus: cuius est equitas: cuius & prudentia, ac fortitudo: per quam reges regnant, principes imperant, & legum conditores iusta decernunt, sic sua inenarrabili prouidentia omnia temperat, omnia moderatur: vt nulli etati, nulli nationi, nulli ordini oportuna ope ac largitate vllō vsq; tempore desit quasi trames aque imense, & quasi fluuius Dorix rigans hortum plantationum, & penetrans omnes inferiores partes terre. Ipsa est, quę priori sæculo ante legem scriptam patriarchas: post legem & ante gratiam prophetas: post vero gratiam nascenti ecclesię apostolos, & euangelistas, adolescenti martyres, crescenti in fortio rem atatem pontifices, doctores, & interpretes sanctissimos, in fines autē seculorū declinanti vt plurimū confessores viros insignes: qui varijs in locis & mundi regionibus ad bene beateq; viuendum, per-

Prouer.
viii.

Eccle.
xiii.

A ij

petuamq; felicitatem capescendam quasi tutelares patroni
humano generi opitularent sua indeficienti bonitate prou-
dit. Quū enim Lituania, seu potius Litaliania Sarmatię am-
pla & nobilis apud balternas prouintia: quam ex italıs quon-

ut Lituania
si. 21
dam plurimi in magni Pompeij partes declinantes longe an-

maximo, & Vladislao Iagellone lituanorū, seu litalianorum

magno duce anno salutis millesimo trecentesimo octuage-

simosexto Christi fidem suscepisset, eodemq; Vladislao sacro

fonte baptizato, ac in Sarmatię siue Polonię regem coronato

Vitoldus alias Alexander, & deinde Sigismundus eius ger-

mani titulum christianitatis adepti lituanis successiue impe-

ij. Cor. ij.
rarent omnipotens pater misericordiarum, & deus totius

psal. ij.
cōsolationis, quo nouella hæc verę religionis plantatio eo al-

tius cresceret, & tanq; lignum plantatū secus decursus aqua-

rum vberiorē fructum afferret in tēpore suo, cōlestis illam

gratię imbre in seruo suo Casimiro ex regibus Polonię, & du-

cibus Lituanię spectabili visitare, & perfundere dignatus est.

Nam Vladislaus ipse Iagello ex Sophiā terciā vxore duos

genuit filios, Vladislaum, & Casimirū ipsius Casimiri patrem.

Vladislaus Hungarię & Polonię regnis potitus est. Casimi-

rus autē post Vladislai fratris sui obitū ad Polonię regnum

sublimatus tanq; casa mira seu mirabilis iuxta sui nominis la-

tinam ethimologiam de Helisabet Alberti ex Austrię duce

ut
Hungarię, & Boemię, demumq; Romanorū Regis filia con-

Mat. vij.
iuge sua veluti ex arbore optima optimos fructus preceatit

Vladislaum Boemię, & deinde Hungarię, Casimirū de quo

agimus, Ioannem albertū, Alexandrum, & Sigismundū Polo-

nię reges, necnon Fodericum sanctę Lucię in septem solijs

S, R, E, diaconū Cardinalem postea Gnezneñ archipresulem

liberos sex christiana pietate conspicuos sicuti calamos au-

reos sex (si dicere fas est) ex tabernaculi domini catholicam

ecclesiam presignantis aureo illo candelabro pdeutes. Ve-

rum Casimirus secūdus inter eos ac si inter gemmas specio-

sissimas carbunculus quidā diuino amore afflatus ciuitatem

hic permanentem se non habere conspicatus futurā quesuit

non manufactā in coelo, thesaurizansq; sibi thesauros vbi nec

erugo nec tinea demorū, furesq; non defodiunt, aut auferunt

labentis huius seculi gloriam cōtempnit, atq; post aurum non

abiens, nec sperans in pecunię thesauris, quū inter diuites di-

ues, ac potentes principes & ipse princeps transgredi potue-

rit, non est tamen trasgressus, nec mala gessit. Quum igitur

adhuc puer preclaris moribus, bonisq; litteris erudiendus op-

timis præceptoribus a parentibus traditus in tenera illa etate

tantū profecisset: vt nō mediocri omnibus esset admirationi

pueritiā ipsam & adolescentiā virtutibus omibus, ingenua-

rumq; artium disciplinis ita exegit: vt semp & etate & sapi-

entia cresceret, ac spiritus dñi esset in illo. Inerat ei timor dñi

tantus verę sapientię initium: vt minimū etiam reatum flagi-

tium maximū: nec tantū declinare a malo: sed & facere bonū

necessarium fore arbitraretur. Porro dum eum adolescentię

florem, quo potissimū illud hominū genus voluptati indul-

gere consuevit, attigisset, tanto sensus omnes, animumq; ac

corpus ipsum continentię freno ab omni labe compescuit: vt

non modo adolescentibus: sed & grauioribus viris, totius

munditię, & castitatis speculum haberetur. Quancūq; in domi-

Erod. xv
1177

heb. xij.

Mat. vi

Ecc. xxi

Luce. ij.

Prover. j.

psal. cix.

ps. lxxvi

Mat. xj.

bus regum esset, mollibus tamen non vestiebat: sed secretiori
super carnem cilicio nonnunquam utrens, lectique molliciem, tanquam
peccandi fomentum quantum cautius poterat furtim effugiens
super nudam humum saepenumero gesebat: & licet innocens
& omnis pene peccati expers esset, tanto tamen compunctionis
ardore, & in saluatoris nostri Iesu Christi pro humani generis
salute susceptam serui formam, agonemque, ac mortem assiduam
compassionis meditatione afficiebatur: ut lauaret per singulas
noctes lectum suum: & lachrymis suis stratum suum rigaret.
Incredibili etiam erga gloriosam dei genitricem deuotione
flagrabat: quam pius adolescens facta a se exametris egregia
oratione (quam & vidimus omnia pene dominice incarnationis
mysteria pulchro schemate claudentem) quotidie salutabat,
assiduisque laudabat precibus. Quid referam quanta sedulitate
diuinis orationibus, diuinisque laudibus, & ceremoniis
ecclesiasticis intentus erat: cuius vita magis in ecclesia: quam in
aula regia, magisque cum sacerdotibus & viris religiosis, quam cum
aulicis semper acta est. Consueuerat sane silentis noctis medio
sancta frequenter loca & sacras eedes nullo saepius comitatus
homine clam visere, & quarum nocturno tempore, (viti fieri
solet) ianue non patebant limina saltem venerabatur, oscula-
batur valuas: apud quas vigiles ciuitatis, & excubantes nocturni
exploratores eum diutius orantem saepenumero offenderunt.
Mane dei templa quotidie ingrediens diuinis sacrificiis
omnibus quousque occluderentur phani ianue ita sedulus,
ita deuotus, & supra se ipsum mirum in modum eleuatus,
ac mente in deum erectus intererat: ut quasi suus ipse oblitus,
& in diuinum amorem penitus raptus esse videretur.

psal. vi

Præteribat frequentissime sumendi cibi, & reficiendi corporis
hora: quum parentum repetitis nuncijs, ac mandatis, ad prandendum
e templo vix adducere. Cibi potusque paratissimus, ieiuniisque
& abstinentie assidue vacans apostolicum illud sibi proposuerat:
quonia regnum dei non est esca & potus. In sermo. xiiij.
monerarus, mitis, & modestus nil aliud quam deum: quam diuina
præcepta, quam virtutes egregias, quam salutaria monita, & docu-
menta eloquebat. Quis unquam eum detrahentem secreto pro-
ximo suo, aut ociosum, seu vanum proferentem verbum audiuit?
Peccantes amice corripiebat: emendatos mira complectebatur
humanitate. Inexorabiles autem, & obstinati animi homines
acri seueritate obiurgabat: quorum plures cum ex sua clientela
domoque eliminari precepit: tum ex regia aula pellit
summam operam effecit. Religio erga deum, erga Christum fides,
erga sanctam Romanam ecclesiam orbis magistram veneratio
tanta in eo fuit: ut ruthenos, qui varijs erroribus impliciti
facto in nostri redemptoris inconsultam tunicam schismate
sanctę apostolicę sedis minime parent, & quorum per Litalianam
ipsam maximus est numerus eo sancto infectare odio: ut regi
polonie parenti suo eorum antiqua phana, seu vetustate corru-
entes ecclesias, ad quas supersticiosi conueniunt, quam catholicę
aduersus unitati instaurari publico edicto prohibere modo
opportune, modo importune persuaderet: quod & aliquando sua
solertia impetrauit. Spes in eo futurorum bonorum, ac æternę
felicitatis perpetua: quam existimabat non esse condignas passiones
huius temporis ad futuram gloriam: quam reuelabit in nobis. Quobrem
voluptatibus corporeis a se prorsus abdicatis castigabat cum
apostolo corpus suum, & in seruitutem redigebat: ne insurgeret

psal. c.

Ro. viij.

Ro. v

aliquando caro contra spiritum. Charitas autē pene incredibilis, non ficta quidem, sed sincera, qua erga omnipotentem deū illo spiritu diuino seruebat tam diffusa erat in corde eius, tam exundabat, ex intimoq; pectore ita exterius effluebat in proximum: vt nihil ipsi iucundius, nihil optatius esset: q̄ non solum propria erogaret: verum & seipsum totū Christi pauperibus, peregrinisq; valitudinarijs, captiuis & afflictis hominibus dedere, & elargiri. Viduis, pupillis, oppressis nō modo tutor, non modo curator: sed & pater, filiusq; ac frater erat. Hic profecto longam texere historiā opus esset: si singula dilectionis, & amoris summi opera, quæ in eo erga deū, & homines viguere essent recensenda. Hæc succincta narratione, & breuiori cōpendio percurrimus: quæ ab insignibus & fide omni dignis hominibus, qui cum eo diuturnam, assiduamq; habuere conuersationē longa oratione percepimus: quorū pars magna circa eius a nobis collecta miracula facile p̄spici potest. Sicuti vero charitas est vinculum perfectionis, finisq; præcepti diuini: ex qua & leges pendent, & prophete: sic Casimirus regius & sanctus adolescens, quum præclaras virtutes omnes sicuti Christi bonus odor redoleret. Charitatem tamen veluti omnium odoramentorum thecam mirabili quadā suauitate vndiq; spirabat, vndiq; exhalabat. Eam vti virtutum cæterarum principem, reginamq; præstantissimā in sponsam, quam vnice adamaret, sibi delegerat: quæ dei filium, pro humani generis salute, de summo cœlo descēdere, seipsum exinanire: carnem nostram sumere, & mortem subire, sola efficere potuit. Sic enim deum dilexisse mundum, vt filium vni-genitum pro mundo daret die noctuq; ardentissimo cogita-

Colo. iij.

Mat. xxi

Jo. iij.

bat affectu. Quantū autē iusticiam coluerit quantum amplexatus temperantiā fuerit, quanta prudentia præditus, quantæ animi fortitudine, atq; constantia fulciebat, in ea potissimum ætate liberiori, qua præcipites, & in malum suapte natura homines proni esse consueuere vix dici, vix excogitari potest. Iusticiam in regno & subiectis populis gubernandis patri quotidie suadebat. Et si quādoq; per incuriam (vti euenire assolet) aut humanam imbecillitatem aliqd in regimine negligebatur Regem modeste arguere nequāq; omisit. Inopum & miserabilium hominum causas æque ac suas tuebatur, amplectebatur: propter quod pauperum defensor a populo nuncupabatur. Nec & si regis filius, & sanguinis magnitudine sublimis esset, cuiq; se quantumuis humili & infimo homini tam cōuersando, q̄ loquēdo difficilem exhibebat: sed animo voluens deum, qui in altis habitat, humilia respicere in cœlo, & in terra, suscitareq; de terra inopem, & de fimo erigere pauperem, inter mites, & pauperes spiritu, quorū est regnū cœlorum, potius q̄ inter elatos, & potentes huius sæculi haberi semper voluit. Nam quāq; perspicacissimi iudicii, ac prudentissimus esset, sententiāq; sua reipublice plurimū consuleret, humani tamen fastigij dominatum nec ambiuit, nec oblatum a patre vsq; accipere voluit metuens, ne diuitiarum aculeis, quas dñs noster Iesus Christus spinas appellauit vulneraretur animus, aut terrenarū rerum contagio coinquinaretur. Temperantiam in omnibus exercuit, q̄ nec nimis letabatur prosperis, nec nimis tristabatur aduersis. De constantia autem & fortitudine animi sui omisiss plurimis id tantum recensebo: quod maiora ex se præfert experimēta virtutis. Plures enim

Psal. cxij.

Luce. vi.

Luce. viij.

peruicit carnis pugna, pstrarūt incentiua libidinis: quos supplicia corporis, & tormenta atrocía frangere aut flectere nequiuere. Casimirū autē praeclarū adolescentem: cuius animo adeo erat desponsata uirginitas: ut carnales nuptiae, siue a parentibus, siue ab amicis ei usq̃ psuaderi potuerint, nec caro, nec sanguis, nec blanditiæ, nec titillationes ullę ueneret inficere, aut ab arrepto pudicitię instituto dimouere aliquādo ualere. Virginem enim ad finem usq̃ uixisse, uirginēq̃ postremum diem clausisse omnes & a cubiculo, & a secretis eius uiri maximi, & optimi: quorū adhuc nonnulli supersunt: quibus intus, & in cute agnita illius conuersatio fuerat, asseuerant, & attestantur. Quod quū ex pluribus euidentibus argumentis satis superq̃ liqueat, ex eo potissimū, q̃ potius mori elegit, q̃ foedari, manifestissime compertū habemus. Quū enim medio florentissimę iuuentutis in morbum quendā chronicū incidisset: cui medela alia nulla occurri posse q̃ puellari concubitu medici iudicabant, illiusq̃ parentes, necessarijque plurimi, ut uirginem speciosissimam, quā e multis delegerant, una in lecto cubare, & pro seruanda uita in amplexus & copulam ire permetteret enixissime suaderent, rogarent, efflagitarent, ille sapientissime (ut semp̃ solebat) respondit, se temporalem hanc, & momentaneā uitam malle amittere: q̃ aeterna & immarcescibili in cœlo carere, obiurgabatq̃ eos omnes, q̃ rem sibi suggerere illicitam non erubescerent. Quūq̃ adhuc ut floridæ iuuentuti, uitæq̃, ac salutis consulere magis, ac magis adhortarent, & importunis etiā precibus obtestarētur domesticici respondit ille salutem uitamq̃ aliam nescire: q̃ Christum dominū: cum quo ut esset cupiebat dissolui, & ad quē iam se

ex ea ualitudine breui profecturum esse perspiciebat: quod & ita factum est. Nam ingrauescente morbo quum naturali robore destitui cœpisset ecclesiasticis sacramentis, ueluti spiritalibus quibusdam contra aereas potestates, & tenebrarum harum rectores munitus armis, inter assiduas orationes, & sancta colloquia adstantibus, sacerdotibus, & uiris religiosīs animam illam candidissimam, & Christo amabilem (ut prędixerat) perendie carnis uinculo solutam omnipotēti deo reddidit. Obijt autem apud Velliam siue Vilnam Lituaniæ seu Litalianæ primariam ciuitatem in Grodno oppido Anno ab uirgineo & salutifero partu Millesimo quadringentesimo octuagesimo quarto: die quarta martij illucescente aurora, annoq̃ ultimo Xysti quarti pontificis maximi. Vixit annos uigintitres: menses sex: sepultusq̃ est collachrymantibus cunctis apud arcem, ubi sedes pontificia Vilnē sita est in diui Stanislai martyris ac pontificis æde sub sacello almæ genitricis dei mariæ: cui & mentem omnem, & pudicissimū corpus addixerat. Erat autē pius adolescens & famulus dei Casimirus mediocris staturæ cæsariē mustellini vel subnigri coloris habens, subnigris oculis, & naso æquali, ac temperati ruboris, facie eleganti, formosa & uenerabili: ut qualis intrinsecus esset ex ipsa effigie existimari posset. Aspectu pfecto pulcher: sed longe pulchrior religione diuina, ut pote moribus ornatus angelicis: cuius mentem atq̃ regium pectus, nihil foedi, nihil turpis, nihil obscœni unq̃ tetigerat. Quod post eius obitum luculenter ostensum est. Nam omnipotens author ut indicaret quanta meritorum cœlitudine, uirtutumq̃ sublimitate apud se Casimirus magnus existerit,

mox ex eius sepulchro tot, tantaq; signa, ac miracula patefa-
cere dignatus est, indiesq; magis ostendit: vt hæsitare nemo
debeat quin æterna cum Christo scelicitate in coelo fruatur.
Hi enim qui sine spe humani auxilij morbis incurabilibus,
grauissimisq; valitudinib⁹ laborant, surdi, muti, claudi, aridi,
cæciq; vt primum eius mausoleo se deuouerint auditum, lo-
quelam, incessum, visum, pristinamq; incolumitatem recupe-
rant (quodq; longe admirabilius ac pene incredibilius est)
reuiuiscunt mortui, aliaq; q̄tidie obstupescenda sūt miracula:
inter quæ illud prioribus sæculis rarissimū, nostraq; etate in-
auditum superiori anno accidit. Nam quū dux Moscorum
Basilius Ruthenorū erroribus implicitus maximo schismatici-
corum ad circiter sexaginta equitum millia comparato exer-
citu ex insperato Lituaniæ fines aggressus esset, improuisi
polonorū & lituanorū duces qbus copijs hosti occurrerent,
quū nullæ suppeditarent, qua militari manu freti resisterent,
quum longe abesset, penitus ignorabant. Charas tum coniu-
ges, dulcia pignora, paternas ædes, oppida, prædiacq; iucun-
dissima veluti amissa, Lituaniāq; omnem tanq̄ depopula-
tioni expositam deslere cœperūt. Nulla enim se, suaq; tutandi
spes supererat. Vnauel mors, vel morte crudelior miseranda
captiuitas expectabat. Quid facerent: quorsum se verterent
tanto metu percussit. Aegit genuina, magnanimaq; nobilitas,
qua clarissimi duces illi præditi erant, vt, etsi non modo vinci,
verum absorberi se ab hoste posse conspicerent, hosti tamen
non cederent, nec se in fugam darent: sed collectis quos po-
tuere ad duo, vel circiter, millia ex domesticis, vernaculisq;
& inquilinis fortes in bello persisterent. Enimvero vti p̄ij, &

Christo deuoti prospexerunt, quoniā deus noster refugium, p̄s. lly.
& virtus, adiutorq; in tribulationibus, si ex corde inuocaret,
sibi in oportunitate deesse non posset, eamq; calamitatem, q̄
diuum Casimirum innumeris coruscantem miraculis (vt sa-
pius vna decreuerant) in sanctorū cathalogum ab apostolica
sede referri pollicitam operam nō impenderant, eis accidisse
arbitrati sunt. Quāobrem auxilium de alto supplices implo-
rarunt, ad ipsiusq; beati Casimiri suffragia confugientes vno
animo, vno ore ita precati sunt. Diue Casimire, quē tutelam
præcipuam generis nostri, & huius patriæ patronū apud om-
nipotentem deū esse confidimus respice afflictionē, & mœ-
rorem hunc nostrum: ne dominent nobis inimici nostri im-
mundi, schismatici, & a vero sanctę matris ecclesię ritu, ac gre-
mio alieni. Tu spes nostra: tu præsidium nostrū. Miserere igit
patriæ opem tuā implorantis: in qua & natus, & educatus es.
Miserere gentis: ex qua originem ducis: & quā tuīs sanctissi-
mis ossibus, ac reliquijs nitidissimis cōdonasti. Neu deferas
nos omni humana spe, omni solatio destitutos. Potens em̄ es:
per quē tot, tantaq; quotidie mirabilia operatur altissimus.
Et si iuxta fidem obseruantiaq; summā, quā erga te gerimus
votis tuorū faueris: vt pro christianæ religionis splendore, &
tuæ nationis exaltatione te in sanctos referat pontifex maxi-
mus omni studio laborabimus, & iure efficiemus. His dictis
quidā sensibilis animi vigor, quādā mentis alacritas, ita eos
diuinitus cepit: vt q̄q; supra sexaginta millia equestriū nume-
rum moscos excedere ab scytis exploratoribus didicissent,
ex apricisq; locis quibus isdem infederant mosci, & castrame-
tati erant ita esse procul appareret & cerneret, duocq; tantum

ps. ix

Deut. 32

Lu. xij.

hominum millia (vt diximus) lituani principes vna conflare tunc potuissent, nil tamen veriti in hostes insilire statuerint. Deo igitur, & diui Casimiri patrocinio fisi animo volutantes dauidicum illud: quia hi in curribus, & hi in equis: nos autē in nomine dei nostri inuocabimus, vno animo, & vno impetu in moscos, quo vna cōfligerent prorupere. (Res mira) tantus pavor, tantus deniq; tremor, & horror eas moscorum numerosas & cataphrattas equitū copias inuasit: vt ac si innumerabilem, validissimūq; exercitū post terga irruentē formidarent sese in fugam præcipites conuerterint. Eos vero si dei lorica armati lituani insequunt, trucidant, spoliant, captiuant. Adimpletumq; est illud Deutoronomij: Persequebat̃ vnus mille: & duo fugabant decem millia: quia dñs deus ven didit eos, & dñs conclusit illos. At quū hoc admirandū sit (vt pote non casualiquo, sed diuinitus factum) longe tamen mirabilius est, q̃ plurimis moscorū a lituanorū cuneo admodum paruo: vt diximus: parta optima præda fuis, desyderatis, ac in captiuitatem ductis vix vnus ex lituanis aut captus, aut interemptus est. Ostendit enim seruator & deus noster Christus quod suis tyronibus in euangelio pollicitus erat stabili veritate fulciri: q̃ nec capillus de eorū capite periret. Diuino igitur hoc beneficio perciti Lituaniæ duces, ac domini, Serenissimū Poloniæ Regem Sigismundū diuo quidē Casimiro germanum superstitem: qui & ipsorū magnus dux est: enixe deprecati sunt: vt apud sanctam apostolicam sedem, quo idē Casimirus sanctorum confessorum numero absq; prolixiori mora adscribere intercederet, instaret. Quod & dū crebris epistolis, ac insignibus oratoribus Rex ille religiosissimus ab

beatissimo Leone decimo pontifice maximo impetrasset, seruantissimis patribus Ioanni archipræsuli gnezne Poloniæ primati, ac legato nato, necnō Petro tunc premisliē, nūc vero posnaniē pontifici, Regniq; Poloniæ vicecancellario, postremo vero nobis in Poloniam & Prussiam ad eundē regem mandato apostolico ex vrbe proficiscentibus ad ipsius diui Casimiri gesta ac miracula peragenda inter cetera ardua negocia prouincia est demandata. Id vero muneris omni fidei opera, & sedulitate exq̃sitiſsima ita obiuimus, atq; exegimus: vt inter innumera pene miracula quæ iureiurando adhibito illi nobis recensuere: qui & interfuerunt, & conspexerunt, manibus contrectauere, ac in semetipsos experti sunt, quosue nobiliores ex alijs & fide digniores ad testimonium perhibendū delegimus ea tantū omisſis superfluis, quæ singularia, & ad eius sanctitudinē probandā sufficere visa sunt descriperimus, annotauerimus. Hunc autē modum, hanc seriem obseruauimus. Postq; apud eundem inclytum Regem, apud magnū Prusiæ magistrū ex brandeburgensibus marchionibus illustrem Albertum inuicem dissidentes, grauiq; bello decertantes recōciliandi eos gratia semestri laborasse mus, ambobusq; in amicitiam pene adductis postrema penderet, & in longum tempus traheretur pacis conditio, itinere in Lituaniā autumnū ingressu iam accōmodo: vt iussu sanctissimi Pontificis Romani eousq; in Vilnam p̃ficisceremur: sepulchrum diui Casimiri ibidem inuiseremus, indeq; tanq̃ e pleno fonte eius & gesta, & miracula satius hauriremus Rex ipse postulauit. Vilna vero ciuitas in vltiorem Sarmatiam septentrionalem sita ab Thorunio Prusiæ oppido, vbi

rtunc agebamus quingentis millibus passuum distat. Patria
coeli rigiditate frigida, & horrida: in qua raro æstas aspicitur:
planicie, & syluis, stagnisq; ac paludibus vndequaq; vallata
est: nobilitate gentis clara, commætu vario, & mercimonijs
quum ex germanico & sarmatico oceano, tum ex pontico
mari, Armeniacq; Scythia (taurica Chersonesopotissimum)
Thracia insup, omniq; fere Græcia, & Mysia insignis, situ spa-
tiosa, vitis ignara, frugibus sterilis: sed robustioribus equis,
& exiguis illis animalibus, e quibus ad vestimentor; ornatu,
frigusq; cohibendū præciosę pelles conficiunt sobolis, mara-
duribus, mustellisq; candidissimis, seu armellis (vt ab Arme-
nia vulgo dicunt) non parum affluens. Præterea & bisonis;
siue vri, onagri, vrsi, cerui, apric; spectaculo, ac venationibus
ob nemorū magnitudinē, & densitatē præcipua. Huc igitur
custodibus, & ducibus itineris nobis a rege adhibitis xi. idus
Augusti ex Thorunio per Amassobiam soluimus: dumq; au-
tumnale tēpus, humidusq; & nubilosus aer ingentes pluuias
quotidie minarent, nusq; tamē nos imber iter facientes colle-
git: sed vel noctu, vel interdiu, postq; sub tectum in hospitia
nos receperamus cōfestim cadebat, ac si nubes quasi velamē
quoddam nos a solis ardore die ptegere, & noctu nimbus
descendens harenosos pulveres: quibus iter illud infestum
redditur: ne oculos offenderent coelesti beneficio cōpescere
viderentur. Quod diuinum munus ob eum, quem pro diui
Casimiri meritis indagandis lubentes laborem suscepera-
mus, nobis a deo optimo concessum admirabundi conspica-
bamur. Nam & quandoq; nobis iter habentibus fulgurante
vndiq; celo, & stridente ac boante tonitru, versaq; pene in

noctem die tanta vis aquarum ad duas ferme horas in aere
suspensa cernebatur: vt terram omnem sub alluie illa pene
posse summergi credidisses: nobisq; tamen cur tantū immo-
rare minitantis pluuię casus obstupescētibus, mox vt hospi-
tio appuleramus, equiue nostri, sarcinæ insup, & currus om-
nes sub tectum recepti erant, tantus pluuiæ celo ruentis re-
pente impetus inundabat: vt quasi nos, quousq; vna cū rebus
nostris ab ea tuti ac liberi essemus expectasse videretur. Se-
mel quoq; dum in Amassobia diem assumptionis gloriose
virginis & dei genitricis Mariæ totum ferme solennibus sa-
crificijs celebrassemus: iamq; affatim decedente pluuiæ: quæ
initio diei incoeperat (nec desinebat) iter nostrum prosequi
statuissimus, quū primum equos conscendimus nimbus ille
omnis serenitate restituta ita continuo sedatus est: ac si ad dei
benignitatē in seruo eius Casimiro nobis manifestius osten-
dendam momentum illud quo cessaret diuino iussu perpen-
disset. Semel tantum eo itinere, quod duobus & xx. diebus
psecimus (modicoq; tamen spatio) exilis quidē, & tenuis im-
ber instar roris nos vlla absq; molestia & dispendio vix atti-
git. Per sylvarum igitur incultos aditus, desertaq; ac palustria
sæpenumero loca iter agentes prima dominica die, iij. non
septembres Vilnam seu Velliam (vtroq; enim nomine a duo-
bus fluminibus qbus abluitur dicta est) Christo auspice per-
uenimus. Mane ante nostrū in ciuitatē ingressum pro nostra
& vrbis illius salute, ac fausto agenda; rerum successu om-
nipotenti dño sacrificium obtulimus, de difficiliq; & longo
itinere prospere acto ægimus gratias. Facto demū prandio
tertia fere ante noctem hora seruantissimis patribus Ioanne

vilnensi, Ioanne Chiouiē, & Iacobo caphensi pontificibus, magistratibus quoque, ac vniuerso clero, innumerabili denique ex catholicis, & schismaticis populo obuiam venientibus ciuitatem intrauimus: ad diui Stanislai ædem, quæ primaria ibi est, & pontificia, pereximus, psolutisque deo gratijs, ac sacris ceremonijs rite seruatis in hospitium honorificentissime deducti, & suscepti sumus. Illud autē admirabile fuit, quod dum ciuitatem ipsam intraremus tantam aquarū inundantiam densatis vndique nubibus obscurus aer minabatur: ut nulla ingruentis alluiei periculum euadendi spes nobis superesse videretur. Sacerdotes sacris induti vestibus (& his quidē preciosissimis) senatores, & optimates serico, gemmis, & auro circumamicti, populoque innumerabilis cōkursus imbrem maximum metuentes cœlum arrecti suspiciebant. At omnipotens pater, & deus totius consolationis, ut ostenderet sese in finem usque operimēto alarum suarū nos benigne protegere voluisse eum aquarū conatū, quod rarissimas demittens guttas vix quasi velle irrumperere videbat, nec posse, ita suspensum retinuit: ut admirantibus cunctis nusquam descendere valuerit, quousque sacris ædibus perlustratis, peractisque supplicationibus ad hospitium inde adducti essemus. Enimvero ut primū nos testum excepit tam crebra præcipitis pluuiæ celeritas secuta est: ut eodem pene momento fuerit hospitij ingressus, & imbrium descensus. Nec silendum esse putamus quod nobis omni Lituania admirante diuinitus accidisse nemo ignorat. Quum enim Lituania Sarmatię prouintia ex septemtrionali plaga vbi sita est frigida adeo hyberno præcipue tempore & gelida existat: ut non modo homines extra domos diutius

10
 immorantes aliquādo nasum extremitatesque digitorū ex eo rigore maximo amittant, & frequentissime ita congelent: ut vitę cedere compellant: verum & fere ipsę in syluis immobiles fiant, arboreque ac tigna domorum crepent, ac a summo deorsum usque sæpenumero proscindantur: eo tamen tempore hyberno Decembre & Ianuario, quibus ibi eramus, & maior hyemis rigor sequitur, ac crudescit: quod nos mirum immodum verebatur: tanta temperies præter & temporis & regionis naturam supra etiam omnium hominū memoriam & existimationē fuit: ut deus omnipotens tunc nobis italis, qui romanę temperiei assueueramus, & quod leui huius patrię frigore ledi facile poteramus circa merita & miracula serui sui Casimiri inquirenda laborantibus fauisset, auxiliumque de alto misisset proculdubio dinosceretur. Omnes enim lituani illam temperiem & clementiam aeris nunquam olim ibi aut visam, aut auditam nos ex vrbe Roma attulisse passim asseuerabant. Quid maius quam quod in nocte illa felicissima natiuitatis domini nostri Iesu christi nobis euenit? Quum enim vniuersum clerū & populū vilnē ea nocte in orationibus & diuinis laudibus vna nobiscū vigilare per diuini verbi præcones hortati essemus: quo lumen suum indeficiens in tam ardua re nobis cōcedere summus author dignaret, omnesque lubētissimo animo id suscepissent, ac nobiscū integra nocte, maneque usque ad meridiē ad varias pgentes ecclesias vbi noster solēni ritu sacrificauimus, ac ter intra sacrificandi solennia de erroribus ruthenorum sermonē ad clerū & populū habuimus excubassent ac laborassent, vix tamen nocte vix mane ipso, quo intentissimum gelu esse semper cōsuevit omnibus obstupescētibus frige

goris aliquid sensimus, aut hyemem esse credidimus: quanquam laboris non parum accepimus. Hic vero libeat paulisper fessos quiescere, ipsiusque Casimiri apud supremum conditorum gloriam & coelestitudinem non iam verbis intexere: sed animo voluere, speculari, contemplari, admirari: qui natalium splendore clarissimus: qui diuitiarum potentieque magnitudine precellens, virentis adolescentie decore floridus, venustate corporis, & mentis sublimitate insignis, bonarum artium eruditione conspicuus, providentia, ac probitate, omnibusque virtutibus ornatissimus breuem hanc, caducam, & incertam vitam floccipendere nouit: inanem mundi gloriam contempsit: aeternam in coelo affectauit, ad veramque felicitatem consultius anhelauit: peregrinationem hanc cum patria: naufragium hoc cum portu: laborem hunc cum quiete: moerorem hunc cum gaudio, mortalemque hanc conditionem cum immortalitate commutauit. Addiscant eius exemplo & reges, & principes labili huius seculi & momentaneo culmini non fidere: sed quae fursum sunt sapere. Addiscant diuites & potentiores terrenas opes, quas cui congregaturi sint ignorant, despiciere, indeficienteque in coelo adamare. Agnoscant adolescentiores & formosiores, quoniam omnis caro foenum, & omnis gloria eius tanquam flos agri: quod hodie est, & cras in clibanum mittitur, & veram immortalitatis, aeternitatisque pulchritudinem concupiscant. Habeant & eruditi iuuenes quem imitentur: ut bonas artes non ad cassam ostentationem seu vanitatem: sed ad Christi obsequium adipiscantur. Gaudeat indyca & speciosa Italia: ex qua & litalianica, & lituanica excelsa nobilitas unde Casimirus oriundus est, primamque accepit originem. Letetur ampla, & spatiosa Sarmatia:

Colo. iij

ps. 38

Esa. 44

Matth. 6

quae omni gelu, omni algore deuicta, omni sui sterilitate superata formosissimam, felicissimamque arborem hanc vitam, suauissimum fructum hunc honoris, & honestatis produxit. Exultet sancta & pia mater ecclesia: quae illum & filium in Christo edidit in lucem, & sui strenuum militem celeriori palma e duro vitae huius certamine triumphatorem in celum transmisit. Praeclara gloriatur Polonia, ex cuius religiosissimis regibus: excelsa gratuletur Lituania ex cuius magnificentissimis derivat ducibus. Exultet praecipue Vilna insignis ciuitas, quae illa eius ossa candidissima, illas eius dulces exuvias, reliquiasque sanctissimas in pignus seruat futurae immortalitatis & gloriae. Iubilent omnes christianorum ecclesiae, pia templa diuinis resonent praeconijs: hinc carmina, inde chorus & organa modulentur. Solennibus sacris aras cumulent sacerdotes. Phana supplices adeant, deum colant, & venerent, primores patres, reges terre, & omnes populi, principes, & quicumque iudices terre, iuuenes & virgines, lactentes cum homine sene. Casimirus enim de carnis ergastulo coeli amplitudinem est ingressus, de morte transiit ad vitam, de profunda lachrymarum valle ad excelsa, & sempiterna gaudia transiit. Quoniam vero nos, & nostris plerique domesticis fauorem illius & beneficia experti sumus, epithaphium heroicum, & canonicas horas, siue ecclesiasticas laudes, hymnosque, ac sacrificandi seriem in euentum eius in sanctos relationis: quam ab sanctissimo domino nostro Leone decimo pontifice maximo clementissimo, illaque sancta Romana ecclesia iure aequae futurae esse speramus, edidimus, ac pro diuinis ab eo susceptis muneribus voto supplices obtulimus. Miracula denique eius a nobis studiosissime coperta

psal. cl.

Deu. 32

meritaq; sanctissima, & testiū ac contestiū dicta alio volumine
copiose & fideliter longa serie describuntur. Regnante atq;
impante domino nostro Iesu Christo: qui est benedictus in
sæcula Amen. Datū Vilnæ. xi. kalē decembres anno salutis
millesimo quingentesimo vigesimo: eiusdē vero sanctissimi
dñi nostri Leonis diuina puidētia papę. X. Anno octauo.

EPITHAPHIVM SEPVLCHRO.

Regia progenies iacet hic Casimirus auito
Stemmata, & excelso virtutū culmine clarus.
Ille deo spretis opibus, rebusq; caducis
Se dedit, & gaudet semper victurus olympo.
Cessit ab humanis in primo flore iuuentæ.
Quisquis ab aduersa premitur valitudine mox vt
Vota dedit tumulo morbo sanatur ab omni.

ZACHARIAS dei & apostolicę sedis gratia episcopus Gar
diē Sanctissimi in Christo patris & dñi nostri dñi Leonis di
uina prouidentia papę decimi prælatus domesticus, & refe
rendarius secretus, ac per vniuersum regnū Polonię, & ma
gnū ducatum Lituanię, ac Moscouię, omnesq; & singulas
terras mediate & immediate, vel alīs quomodolibet eisdem
regno & ducatibus subiectas cū omnimoda legatī de latere
& maiōris penitentiarij de vrbe potestate nuncius & orator
christicolis vniuersis salutem, & foelicitatē, ac in die festo diuī
Casimiri confessoris iuxta ritum ecclesiarū Sarmatię diuini
cultus seriem.

IN PRIMIS VESPERIS ANTIPHONE.

ps. cxij. A solis ortu vsq; ad occasum laudabile nomen domini in

seruo suo Casimiro: qui tot tantisq; coruscat miraculis.

Psalmus. Laudate pueri.

Collaudate dominū omnes populi: qui Sarmatiam in extre
mis terrę finibus sitam suæ non destituit lumine veritatis. ps. cxvi

Psalmus. Laudate dñm omnes gentes.

Aedificat Hierusalem dominus suscipiens mansuetos, & hu
milians peccatores vsq; ad terram. ps. cxlvj

Psalmus. Laudate dñm quoniā bonus est psalmus.

Beatus cuius deus Iacob adiutor eius, & spes eius in domino ps. cxlv
deo est: qui erigit elisos, & dirigit iustos.

Psalmus. Lauda anima mea dominum.

Confortauit seras portarū tuarū o Hierusalem dominus: qui ps. cxlvij
benedixit hodie filio tuo Casimiro in te.

Psalmus. Lauda Hierusalem dominū.

Capitulum.

Beatus diues qui inuentus est sine macula, & q post aurū nō
abiit, nec sperauit in pecunię thesauris. Quis est hic, & lauda
bimus eum? Fecit enim mirabilia in vita sua. Eccl. 31

Responsorium.

Erat regius & pius adolescens Casimirus moribus ornatus
angelicis, venustus facie: sed pulchrior religione diuina: quē
florida ætate conspicuū dominus ad supernas agni nuptias
ab huius sæculi incolatu euocauit.

Versus.

Consumatus in breui expleuit tempora multa. Placita enim
erat deo anima illius: quem florida, etc. Gloria patri; Quem. Sapi. iij

HYMNVS SAPPHICVS.

aggrega-
ti: quū in
sanctos
relatus
erit. por-
tas.

L'AETA iucundo resonare cantu
Si decens vnq̄ fuit ora, nunc est:
Quum tuus viuūt generosus heros
Sarmata coelo.

Roma, quæ sancto numero aggregabis
Iure perspectæ probitatis illum
Plaudito: cuius decor ampliatur
Frigida ab arcto.

Terra, quæ brumam patitur rigentem,
Et caret phœbi radio calente
Sentit accensum boream superni
Sydere amoris.

Nempe, cui clarum genus, & propago
Regia, exurgens Casimirus ignem,
Quo calet frigus aquilo ministrat
Aethere ab alto.

Ignis est virtus animosa: per quam
Mens in authorem calefacta summum
Nil nisi mundam cupit, & beatam
Degere vitam.

Ille vix primam tetigit iuuentam,
Quum voluptates renuit caducas,
Et deum coepit studiosus omni
Quærere nixu.

Est deo patri, genitoq̄ dulci,
Ac paracleto imperium perenne:
Qui sub æterna paritate, & vno
Numine regnant. Amen.

Versus. Amavit eum dominus & ornauit eum.

Respon. Stolum gloriæ induit eum.

Ad Magnificat. Antiphona.

Fecit magna q̄ potens est in strenuo milite suo Casimiro dñs
dispersens superbos spiritus, & exaltans humiles homines.

Oratio.

DEVS qui per excelsa beati Casimiri cōfessoris tui merita
senescentem mundū subleuare dignatus es, quæsumus: vt
omnes q̄ eius suffragia expetunt illa se impetrasse lætentur,
Per dominum nostrum Iesum Christum filium tuum.

In nocturnis laudibus Inuitatoriū.

Regem regum Christum, qui beatum hodie in cœlum subli-
mauit Casimirū: Venite adoremus.

Psal. Venite exul. dño.

Ps. l.

HYMNVS SAPPHICVS.

Nōx silens horas tribuit quiescit
Carmini, & sacre modulationi.
Ergo cantetur Casimirus amplo
Stemmata cretus.

Regij q̄ fuerint parentes:
Inclytum culmen tamen e supremis
Antea longe ducibus recepit
Litalianis.

Namq̄ vulgari serie loquendi
Qui petiuerunt ea tecta clari
Nomen heroes itali dedere
Gentibus illis.

Et licet quisq̄ a litui frequentis

More contendat Lituaniāq;
Stare, nil obstat: pia gens, & alta
Sanguine Romę est.

Hinc ortus quondam Casimirus, vltro
Fascibus spretis opibusq; auitis
Claudit excoelsis meritis, & almo
Funere vitam.

Praecocem mortem intrepidus subire
Maluit, q̃ se maculare luxu:
Vnde victtricem meruit referre
Aethere palmam.

Est deo patri, genitoq; dulci,
Ac paracleto imperium perenne:
Qui sub æterna paritate, & vno
Numine regnant. Amen

IN PRIMO NOCTVRNO ANTIPHONAE.

Ps. i. Tanq̃ lignum plantatum secus decursus aquarum fructum
attulit in tempore suo, & folium eius non defluet.

Psalmus. Beatus vir qui non abiit.

Ps. ii. Nunc reges intelligite, erudimini q̃ iudicatis terram regium
adolefcentem Casimirum & principem inseruisse domino in
timore, & exultasse ei cum tremore.

Psalmus. Quare fremuerunt gentes.

Ps. iii. Dormiuit, & soporatus est, & exurget: q̃a dñs suscipiet eum.

Psalmus. Domine qd multiplicati sunt.

Eccle. xv Versus. Amauit eum dominus & ornauit eum:

Respon: Stulam glorię induit eum.

LECTIONES diuidantur ex vita, & gestis eius.

Responsorium primum.

Pius adolefscens Casimirus inter fratres suos, ac si inter gemi-
mas carbunculus quidam diuino amore afflatus, ciuitatem
hic permanentem se non habere conspiciatus futuram qua-
siuit non manu factam in coelo.

Versus.

Præterit enim figura mundi huius. Futuram quasiuit.

i. Co. vii.

Responsorium secundum.

Inter diuites diues, ac potentes principes & ipse princeps
transgredi potuit, & non est transgressus, facere mala & non
fecit. Versus. Inuentus enim est sine macula, & post aurū
nō abiit, nec sperauit in pecunię thesauris. Transgredi potuit

Ec. xxi.

Responsorium tertium.

Pueritiā ipsam & adolefcentiā virtutibus omnibus, inge-
nuarumq; artium disciplinis ita exegit: vt semper & etate, &
sapientiā cresceret, ac spiritus domini esset in illo.

Lu. ii.

Versus. Quum esset iunior, nihil tamen puerile gessit in
opere. Vt semper & etate. Gloria patri: Ac spiritus domini.

Zob. i.

IN SECVNDO NOCTVRNO.

Mirificauit dominus sanctum suū: per quē tot nobis ostendit
mirabilia. Psalmus. Quum inuocarem.

Ps. iii.

Introiuit in domū tuam domine: adorauit ad templum san-
ctum tuum in timore tuo. Psalmus. Verba mea.

Ps. v.

Admirabile est nomen tuum in seruo tuo Casimiro domine:
quem gloria & honore coronasti hodie.

Ps. vii.

Psalmus. Domine dominus noster.

Versus. Os iusti meditabitur sapientiā:

Respon. Et lingua eius loquetur iudiciū.

Ps. xvi.

Responsorium quartum.

Lecti molliciem tanq̃ peccandi fomentū quantū cautius poterat furtim effugiens super nudam humum saepenumero quiescebat. Versus. Post solis occubitū Iacob tulit lapides, & supponens capiti suo dormiuit. Super nudā, et̃. vt supra.
Se. xviii

Responsorium quintum.

Quāuis innocens & omnis pene peccati expers haberetur tanto tamen cōpunctionis ardore afficiebatur: vt omnis eius vita nil aliud q̃ pœnitentia esset. Versus.
Ps. vi. Lauabat per singulas noctes lectum suum, & lachrymis stratum suum rigabat: Vt omnis eius, et̃.
Ps. vi.

Responsorium sextum.

Consueuerat silentis noctis medio sancta loca, & sacras ædes nullo aliquando comitatus homine clam visere, & in orationibus frequentissime pernoctabat. Versus.
Ps. cxviii. Media nocte surgebat ad confitendū dño sup iudicia iusticiæ eius: Et in orationibus et̃. Gloria patri. Et in orationibus.
IN TERTIO NOCTVRNO.

Ps. xlii. Operatus est iusticiam, & ingressus est sine macula tabernaculum tuum domine, ac requiescit in monte sancto tuo.
Psalmus. Domine quis habitabit.

Ps. xi. Lætificasti eum dñe in gaudio cum vultu tuo, & desyderium cordis sui tribuisti ei. Psalmus. Domine in virtute tua.
Ps. xlii. Innocens manibus, & mundo corde non accepit in vanū animam suam. Psalmus. Domini est terra.
Ps. xxxvi. Versus. Lex dei eius in corde ipsius:
Respon. Et non supplantabunt gressus eius.
Euangelium.

Lx. iij. Sint lumbi vestri præcincti, cum sua omilia.

Responsorium septimum.

Charitas tam diffusa erat in corde eius, tam exundabat exterius in proximū: vt nihil sibi iucundius esset, q̃ cum propria erogabat: et seipsum Christi pauperibus largiebatur. Ro. v.
Versus. Esurientes alebat, nudisq̃ vestimenta præbebat. Job. i.

Responsorium octauum. (Et seipsum, et̃.

Quāq̃ regis filius, & sanguinis magnitudine sublimis esset, nulli tamen quantūuis humili & infimo hominī tam cōuersando, q̃ loquendo se difficilem exhibebat. Versus.
Quanto maior es humilia te in omnibus, & coram deo inuenies gratiam. Nulli tamen. Eccl. iij.

Responsorium nonum.

Quum aduersa valitudine ad mortem vsq̃ laboraret, eiusq̃ saluti nil aliud q̃ puellæ complexibus succurri posse medici iudicassent, elegit potius mori q̃ fœdari. Versus.
Angustie mihi sunt vndiq̃, & qd eligam ignoro: Sed melius mihi est mori q̃ derelinquere legem dei mei. Elegit potius: Gloria patri: Elegit potius, et̃. Dani. xij.

AD LAVDES.

Mirabilis in altis dñs: cuius testimonia credibilia facta sunt nimis in suo cōfessore Calimiro. Psal. Dñs regnavit deco. Introite in conspectu domini in exultatione hodie, & scitote quoniā dominus ipse est deus: qui tot mirabilia per seruum suum operatur. Psal. iubilate deo.
Memor fuit tui domine sup stratum suum: in matutinis meditabatur in te: quia fuisti adiutor meus, & in velamento alarum tuarum sperauit. Psal. Deus deus meus.
Benedicite spiritus & anime iustorū, benedicite sancti & hu Dani. iij.

ps. cl. miles corde domino. Canticum. Benedicite.
Exultabunt sancti in gloria: lætabunt in cubilibus suis: exultationes dei in gutture eorum.

Psalmus. Laudate dominum de celis.

Capitulum. Beatus diues qui inuentus est sine macula etc.

HYMNVS SAPPHICVS.

Surgit aurorę nitor, & latentem
Delium sensim manifestat: vt tu
Carne deposta Casimire coelsum
Scandis olympum.

Concrepent dulces cytharę, & sonorę
Fistulę æquatıs vicibus: choraules
Carmen adiungant, italęsq; & omnis
Sarmata plaudat.

Omnis oblitus modo tu doloris
Magne vir cœlo frueris quieto,
Et supra mundum melioris aurę
Lumine gaudes.

Maior est longe tibi nunc corona,
Maior & sceptri tibi cœlstitudo,
Q; supra terras dominando posses
Obtiuisse.

Sic potens es tu patriam tueri
Nunc tuam: ne gens inimica fines
Eius inuadat, generiq; nostro
Insidiatur.

Sic potens es tu refecare diras
Hæresum sectas: quibus inuoluta

Magna pars huius populi obligatur

Ignibus atris.

Pelle de nobis Casimire pestem

Hanc tuıs ergo precibus trahendo

Ad pium Romę gremium cateruas

Schismaticorum.

Est deo patri, genitoq; dulci,

Et paracleto imperium perenne:

Qui sub ęterna paritate, & vno

Numine regnant. Amen.

Versus. Iustum deduxit dominus per vias rectas.

Sapi. x.

Respon. Et ostendit illi regnum dei.

Antiphona.

Visitauit nos oriens ex alto lumē: quo illuminatur hi qui, in tenebris, & vmbra mortis sedent ad dirigendum pedes nostros in viam pacis.

Lu. i.

Canticum. Benedictus dñs deus.

Oratio. Deus qui per excelsa beatı Casimiri. &c. vt supra.

Ad primam Antiphona.

In via testimonię tuorū dñe delectatus est sicut in omnibus diuitijs.

ps. cxvii

Ad tertiam antiphona.

Leuauit manus suas ad mandata tua domine, quę dilexit, & exercebatur in iustificationibus tuis.

ps. cxvii

Ad sextam Antiphona.

Dilexit mandata tua domine super aurum & topatium, & omnem viam iniquam odio habuit.

ps. cxviii

Ad nonam. Antiphona.

Cōcupiuit salutare tuum dñe, & lex tua meditatio eius fuit. Viuet ideo anima eius & laudabit te: quoniā pax multa diligenti bus nomen tuū deus noster.

ps. cxviii

C iiii

IN SECVNDIS VESPERIS ANTIPHONE.

Psal. cix. In sanctis, & electis hominibus dominus implebit ruinas rebellium spirituum: quorum capita in terra conqussauit.

Psalmus. Dixit dominus.

Magna opera domini in seruo suo Casimiro: per quē assidua prodigia ostendens memoriam facit mirabilium suorum.

Psalmus. Confitebor tibi dñe.

Ps. cxj. In memoria aeterna erit iustus: ab auditione mala nō timebit.

Psalmus. Beatus vir qui timet dominū.

Ps. cxij. In altis habitans dominus humilem respicit: vt collocet eum cum principibus populi sui. Psalmus. Laudate pueri dñm

Ps. cxvj. Confirmata est super nos misericordia domini in sancto suo: in quo veritas eius manet in aeternum.

Psalmus. Laudate dominum omnes gentes.

Capitulum. Beatus diues, vt supra in primis vesperis.

HYMNVS SAPPHICVS.

Nox redit terris abeunte phoebo,
Et tuis mandat Casimire finem
Laudibus poni modo (nanq; fessa
Carmine lingua est)

Mira quae fiunt hodie frequenter
E tuis membris referunt patenter
Qualibus prestas meritis, & alto
Culmine caelo.

Si tuum nomen petat, & iuuamen
Redditur languens sine spe, salute:
Claudus incedit, videt impetrato
Lumine caecus.

Surdus auditum recipit: loquelam
Mutus: arreptus styge liberatur:
Mortui vitae (noua res, & ingens)
Restituuntur.

Sic suam Christus dedit esse notam
Sarmatis per te dominationem:
Qua polo, & terre, residique aerno
Imperat omni.

Est deo patri, genitoq; dulci,
Et paracleto imperium perenne:
Qui sub aeterna paritate: & vno

Numine regnant. Amen.

Versus. Iustum deduxit dominus per vias rectas:

Sapi. i.

Respon. Et ostendit illi regnum dei.

Antiphona.

Gaudeant omnes christianorum ecclesie: pia templa diuinis
resonent praconijs. Hodie Casimirus de carnis ergastulo
coeli amplitudinē est ingressus. Hodie de morte transiuit ad
vitam. Exultet spiritus noster in deo salutaris nostro.

Lu. i.

Canticum. Magnificat.

Oratio. Deus qui per excelsa beati Casimiri etc. vt supra.
MISSA DIVI CASIMIRI CONFESSORIS.

INTROITVS.

IN MEMORIA aeterna erit iustus: ab auditiōe mala non
timebit: Confirmatus est cor eius, nō comouebit in aeternū.

Ps. cxj.

Psalmus.

Beatus vir qui timet dominū in mandatis eius cupit nimis.

Gloria patri. In memoria aeterna erit iustus, etc.

ORATIO.

Deus qui per excelsa beati Casimiri confessoris tui merita senescentem mundum subleuare dignatus es quesumus: ut omnes q eius suffragia expetunt illa se impetrasse letentur, per dominum nostrum. etc.

Lectio libri sapientie.

Sapi. iij. Iustus si morte preoccupatus fuerit in refrigerio erit. Senectus enim venerabilis est non diuturna, neq numero annorum computata. Cani enim sunt sensus hominis, & etas senectutis vita immaculata. Placens deo factus est dilectus, & viuens inter peccatores translatus est. Raptus est, ne malitia mutaret intellectum eius, aut ne fictio deciperet animam illius. Consumatus in breui expleuit tempora multa. Placita enim erat deo anima illius. Propter hoc properauit illum educere dñs de medio iniquitatu: quonia gratia dei, & misericordia est in sanctos eius, & respectus in electos illius.

Graduale.

ps. xi. Desyderium anime eius tribuisti ei dñe, & voluntate labiorum eius non fraudasti eum. Vitam petijt a te, & tribuisti ei longitudinem dierum in seculum, & in seculum seculi.

Versus.

Posuisti domine super caput eius coronam de lapide precioso.

¶ Quia hic dies festus semper erit in quadragesima.

Tractus.

ps. j. Beatus vir qui in lege domini meditabitur die ac nocte. Erit tanq lignum quod plantatum est secus decursus aquarum: quod fructum suum dabit in tempore suo. Et folium eius non defluet, & omnia quecunq faciet prosperabuntur.

METRUM IAMBICUM.

DAT Calimiri lucida
Dies cupita gaudia
Et italis, & sarmatis,
Accepit vnde originem.

De regie propaginis
Decorus almo stemmate
Fluentis huius seculi
Derisit ille gloriam.

Illius iuuenta florida
Erat, potestas maxima,
Et carnis impudentiam
Viriliter compescuit.

Erant opes amplissimæ:
Erat facultas plurima:
Auri tamen peculia,
Cupidinemq respuit.

Venustus ille corpore
Fuit, loquela, gestibus:
Sed inclytis virtutibus
Fide, spe, amore pulchrior.

Noctu latenter excubans,
Orationi sedulus
Erat, deoq deditus
Colebat alta sydera.

Amicus ille pauperum,
Et orphanorum gaudium,
Solatium gementium,
Portus periclitantium.

Mori magis, q̄ transgredi

Pudicitatis litem

Delegit, vnde calibem

Palmam recepit æthere,

Tu puritatis lilium

Supra nitores syderum

O Casimire splendide

Tuæ memento patriæ.

Tuum genus defendito

Contra furores bellicos,

Contra scytas, & impias

Sectas, & atra schismata.

Amen.

Euangelium secundum Lucam. C. XII.

In illo tēpore dixit Iesus discipulis suis. Sint lumbi vestri præcincti, & lucernę ardentes in manibus vestris, & vos similes hominibus expectantibus dominū suum quando reuertatur a nuptiis: vt cum venerit & pulsauerit confestim aperiant ei. Beati serui illi: quos cū venerit dñs eius, inuenerit vigilantes. Amen dico vobis, q̄ præcinget se, & faciet illos discubere, & transiens ministrabit illis. Et si venerit in secūda vigilia, & si in tertia vigilia venerit, & ita inuenerit, beati sunt serui illi. Hoc autē scitote: quoniā si sciret pater familias qua hora fur veniret vigilaret vtiq̄, & nō sineret pfodi domū suam. Ideo & vos estote parati: quia qua hora nō putatis filius hominis veniet.

Offertorium.

ps. xci Iustus germinabit sicut lilium & florebit in eternū ante dñm.

Secreta.

Tibi dñe (supplices deprecamur) accepta sint munera: quę in festiuitate beati Casimiri confessoris tui offerimus in memoriam passionis filij tui dñi nostri Iesu Christi: qui tecū viuit.

Communio.

Beatus ille seruus: quē cum venerit dñs inuenerit vigilantē. Amen dico vobis super omnia bona sua constituet eum.

Lu. xij.

Postcommunio.

Da quęsumus omnipotens deus: vt sacris epulis refectione beato Casimiro cōfessore tuo ad illud quod præferunt æternitatis conuiuiū ptingere valeamus: per dñm. et c̄

Datū Vilnę. XI. Calēn. decembres Anno salutis M.D. XX Pontificatus sanctissimi in Christo patris & domini nostri dñi Leonis diuina puidencia papę decimi Anno octauo.

Processus mandati apostolici, intimationes, citationes, monitiones, tractatus, sermonesq̄ habiti ad clerum & populum, ieiunia, supplicationes, ordoq̄ & solennitas seruata ab eodem Reuerendissimo dño Legato in pergrendis gestis & miraculis beati Casimiri: interrogatoria quoq̄, ac responsa & dicta testiū, & cōtestiū, eorū insup promulgationes, terminiq̄ ad opponendum præfixi, & inquisitionis conclusio alio volumine longo schemate scripta sunt, & eiusdem Reuerendissimi Legati sigillo clausa, & obsignata: quousq̄ per beatissimū, & sanctissimū dñm nostrū Pontificem maximū aperiantur.



Psal.
cviij.

Faciem tuā illumina super seruū tuū dñe & doce me iusti, tuas.

ORATIO REVERENDISS. PATRIS ZACHARIAE
FERRERII VICENTINI PONTIFICIS GARDIENSIS
IN POLONIAM ET LITVANIAM LEGATI APO-
STOLICI HABITA THORVNII IN PRVSSIA
AD SERENISSIMVM POLONIAE REGEM
SIGISMVNDVM PRO EODEM REGE
ET MAGNO PRVSSIAE MAGISTRO
APOSTOLICA AVTHORITATE
INVICEM RECONCILIANDIS.

IN VIM RECONCILIANDIS

DVM IPSE COGITO & mecū animo voluo Sigismunde
Rex amplissime quem modo principem allocuturus sum
propono mihi sublimiū tuarū virtutum fastigia, excelsas do-
tes: quibus omnipotens rerum author prę varijs principib-
us te excellentius insigniuit. Pono ante oculos hanc tuam
pene diuinam maiestatem, formamq; prestantissimā, magni-
tudinē animi tui: consilij grauitatem: rerū experientiam:
amplitudinē: munificentia: iustitię cultum: prouidentia in te
summam: religionem maximam: quæ passim circumferunt,
& circūquaq; predicant. Recenseo quoq; vetustissimā illam
sanctissimamq; familiam tuam Casimiram, quæ veluti quod-
dam singulare, præcipuumq; munus ab summo opifice, mor-
talibus concessa est: quo sit vt clarissimū conspectum tuum:
regiamq; presentiam non modo non magnopere speculari,
verum etiam nō satis admirari possim. Non minus etiā me-
cum pensito quo dicendi genere te alloquar, an illa rhetori-
ces facundia: quę sensum auresq; demulcet, an illa oratoria
virtute, quæ mentem potius animumq; oblectat, excitat, &

i. Corin. ii

ps. 22

Sapi. viii

i. Corin. x

impellit. Videorq; mihi, q non tantum christianam religionē,
sed & apostolicam perfectionem, vt pontifex, profiteor satius
imitari vas illud electionis beatissimū apostolum: qui ad Co-
rinthios scribens aiebat: Veni ad vos non in sublimitate ser-
monis, neq; in persuasibilibus humane sapientię verbis: sed
in virtute dei & spiritu. Habeant humane sectatores elo-
quentię quos imitentur Demosthenem: Ciceronem: Salu-
stium. Habeo ego sacerdos Christum: habeo diuos aposto-
los: habeo sacros ecclesię doctores, & mei ordinis pontifices
celebratissimos. Loquar ergo non vt rhetor: sed vt pontifi-
cem decet, vt decet sacerdotē, vt decet dei ministrū. Non la-
tet tuā maiestatem Rex potentissime, exploratūq; omnibus est
septimum actum esse annum: quo iactatis dudum inter chri-
stianos principes dissidijs tota ferme Europa atrocissimis
bellis vehementissime cōcutiebatur, & aestuabat. Feruebat
Italia: ardebat Germania: flagrabat Hispania: Gallia fluctua-
bat: Anglia excandescibat: vnde & (quod fari doleo) tanta
christiani sanguinis effusio secuta est: vt recte dauidicū illud
memorari posset: Effuderunt sanguinem eorū, tanq; aquam
in circuitu Hierusalem, idest militantis ecclesię, & non erat q
sepeliret. Aeterna dei sapientia: quę iuxta sacrum eloquium,
attingens a fine vsq; ad finem fortiter disponit demū omnia
suauiter, non pmittensq; iuxta eundē apostolum, nos tentari
supra id quod sufferre possumus, facit cū tentatione prouen-
tum, vt possimus sustinere, cupiens tot cladibus, tot calamita-
tibus christianorum benigne occurrere Ioannē Medicem
Leonem decimum appellatum, non labe aliqua: non vi: non
arte: non astu: non humano ingenio: sed sola sancti spiritus

gratia ad summū pontificatus apicem de tot millibus homi-
num, vnum delegit: q veluti angelus pacis, fluctuantē eccle-
siam, & christi cymbam pacaret: velutiq; salutaris medicus
languescenti diu christianę reipublicę opportunum medica-
men adhiberet. Quod & beatissimus antistes inito mox pon-
tificatu, omni studio, omni solertia, omni sagacitate efficere
curauit (& effecit quidem). Tercius annus nunc agitur, quo
Selinus turcarū imperator, & christiani nominis acerrimus
hostis quasi gladius quidam ceruicibus christianorū immi-
nere videbat. Animaduertens sanctissimus pontifex ad tan-
tum exitium cōpescendum, nullum efficacius superesse re-
medium: q diuinum imprimis p̄sidium implorare sanctissi-
mas ad celum tollens manus ieiunia, ad deumq; optimū ma-
ximum supplicatiōes pontificibus, sacerdotibus, senatui, po-
puloq; Ro. p̄cepit: easq; deprecationes, quas gręco voca-
bulo litanias appellant frequentari mandauit: inter quas ip-
semet nudis etiam pedibus per almam urbem incedere non
est dedignatus. Et ne humanā quoq; operam paruipendere
videretur, cōplures quū pontificij, tum cardinei ordinis pa-
tres celeberrimos ad varios christianorū principes, ad varias
nationes oppido expediuit: quo si quas inter eos similitates
forte exoriri metuebatur ad eas siue iure, siue armis deci-
dendas, quinquennale interuallum interponeretur, dilatoq;
omni bello cōmunes christianorū vires, cōmunisq; potentia
in cōmunem religionis hostem conciliatis animis conuerte-
rentur: necessarius ad id colligere ē numus: generalisq; con-
tra impium tyrannum expeditio: quā cruciatam nostri vo-
cant: vbi libet vulgare ē: quod & pro sua maxima integritate

facile obtinuit, sanctiōibusq; & præceptis apostolicis, ac inter-
minationibus ecclesiasticis contra violatores stabilivit, atq;
firmavit. Posuit enim pacem fines ecclesie, & dulci illam tran-
quillitate potiri fecit. Iam pace fruatur Italia: iam quiescit Ger-
mania, Gallia, Hispania, Anglia, in totoq; christianorū ambitu
iucunda concordia arridet. Vnus superest de quo cum chris-
tiano principe congressus expauescebāt (tu scilicet Rex am-
plissime) quem quū ipse Romanus pontifex ad eas intermit-
tendi belli quinquennales inducias capescendas crebris epi-
stolis dudū exhortari ac monere non destiterit noluit quotq;
pretermittere, quin & nuncijs, & oratoribus inuiferet & salu-
tarer, ad idq; faciendum plurimū suaderet, hortaretur, & ad-
duceret: quod ita accurate mandauit: vt etiā nō sine lachry-
mis pro boni pastoris officio, quum digrederemur id nobis
creberrime repetierit. Pacem (aiebat, atq; iterabat. sanctissi-
mus antistes, quum postremū ad te accedendi ab eo manda-
tum habuissemus, sacrosq; de more oscularemur pedes) pa-
cem: quā christus deus & legifer noster nobis suo testamēto
legauit: charissimo filio nostro Sigismundo Polonię Regi
illustri commissam facite: ad pacem cum christiano principe
perquirendā nostro iussu monete, & animate: vtq; illam quā
de ipsius comprobata religione hæc sancta sedes, cui præside-
mus, spem iam dudum concepīt, nequaquā cassam, irritamq;
efficere velit nostro nomine dicitote. Sed quoniam interea
dum ad tuam maiestatem noster ab vrbe accingebat discessus
ignaro pontifice ignaris nobis id quod verebatur euenit, si
primum ad illud quinquennale interuallum amplectendum
te enixe rogare oportebat, nūc quādoquidē malum irrepsit,

magisq; ac magis quotidie inualefcit non tantum enixe, non
modo enixius, verum etiam enixissime precari, ac supra hu-
manum modū interpellare necesse est. Diuus itaq; Leo pon-
tifex maximus: qui dei, & domini nostri Iesu Christi vices gerit
in terris: cui datę sunt clauēs super cœlestis atrij, ac summę
fœlicitatis: q̄ aperit & nemo claudit: claudit & nemo aperit:
cuius pedibus omnia inferiora subiecit. deus: cui Cæsares,
reges, & omnes populi, principes, & omnes iudices terrę sup-
plicia colla summittunt a suo pontificio solio nos ad te prin-
ceps religiosissime delegauit, postq; paternos complexus, ac
æternam salutem te sanctissimū fœlicissimumq; optans: vt a
christiani sanguinis effusione tuos milites abstinere iubeas,
& eam quę christianū principem deceat concordia ample-
ctaris postulat, efflagitat, monet, mandat, rogatq; (pro sua be-
nignitate maxima) ac precatur. Nec propterea ab iustissimo
pontifice tibi forte persuasum arbitreris: vt honestum tui de-
corem, æquum cōmodum, ac tui regni iura postponas: quę
sicuti is qui tibi supra modum afficitur, augere potius sua au-
thoritate decerneret: sed vt eam quę iusto decori tuo: quę
iuri regni tui: quę cōdignę idēnitati tuę cōducat, siue pacem
siue transactionē cū hoste ineas: quod & vt ille nō minus effi-
ciat omnem operam nauabit pontifex: nosq; pro credito no-
bis munere, ac virili nostra nusq; neglecturi sumus. Sicuti em̄
vt sanctissimo principi nostro, ac sanctissimę sedī a qua le-
gati sumus obtemperaremus, proq; cōmuni & vicaria inter-
te & Albertum militaris ordinis sanctę Marię Theutonicorū
magnum & generalem magistrū, ac marchionem brande-
burgensem illustrem, christianos principes, super rebus

pruthenicis pace, ac concordia interponenda, aduersusque religionis hostes adeundo certamine tua adiremus sublimitatem Romanæ vrbs sanctitudinem, spiritualesque delicias, studiorum nostrorum dulcedinem, amicorum (quibus affuebamur) iucunda comertia: quietem: patriam: agnatos: ipsaque omnia priuata comoda deseruimus: hyberni temporis inclementiam: itineris prolixitatem: viarum difficultates, ac pericula: coeli rigiditatem: ipsius quoque nobis insuetam borealis & sarmaticæ regionis asperitatem, demum iacturas omnes, omniaque discrimina flocipendimus, sic & dum comuni paci, communique benivolentie consulatur, nequaquam defuturi sumus, quin & (vt apostolicum illud imitemur) exhibebimus corpora nostra, hostiam viventem sanctam, deo placentem, rationabile obsequium nostrum: quod & tanto magis a te faciundum est: quod cum longe impari certamen tibi sit, & eo minus proculdubio ineundum, quod ille tibi e dulcissima sorore nepos existat: a quo iniuriam ullam armatus etiam agnoscere vix debeas, ergaque illum & ætate & potentia tibi admodum inferiorē, non modo, vt auunculum, sed & veluti patrem, veluti tutorem, velutiq; studiosissimum fautorem, te ipsum Rex sapientissime gerere potius deceat: nec te fugiat adagium illud, gloriosius longe esse facere reges, & principes quam subicere. Enimvero quæ tibi gloria: quis decor: quæ palma: si nepotem tu auunculus & pater, debilioremque supra modum opibus & potentia hostem tu princeps potentissimus incomparabili exercitu obrueris, & sicut tibi facillimum est (vt ita dicam) in nihilum redegeris, videarisque apud plerumque in ea controuersia, quæ iure potius, quam armis sedanda esset viribus & non legibus vti: Per tuum regnum:

per illud insigne diadema quo regium caput, tuum lustratur: per sceptrum illud quo regia manus tua redimitur: per suauissimam prolem tuam: per illum diuæ memoriæ Casimirum germanum tuum pietissimum: per illam obseruantiam summam, qua christianam prosequeris religionem: per illum omnipotentem dominum rerum omnium opificem, qui te sua prouidentia ad regium apicem sublimauit: per eius denique coeternum verbum, & consubstantialium filium, qui pro tua salute princeps optime de summo coeli cardine descendere, carnem sumere, & mortem subire dignatus est, te supra id quod dici, quod excogitari possit rogamus, precamur, obsecramus, obtestamur: vt pacatis iam vndique christianis principibus, christiano quoque sanguini gladius tuus parcat, ignoscat, indulgeat, & in impios catholicæ vnitatis inimicos conuertatur, ab eo quoque bello abstineas, a quo te & diuinæ & humanæ rationes dehortantur. En quod non sine vehementi fletu effari possumus, innocuus effunditur sanguis: tremulus senex, & gemebundus absque noxa interficiunt, vagientes in cunabulis, in sinu matrum iugulant infantes: miserrime trucidant matres, coram parentibus filij, coram filiis parentes interimunt, necantur, obtruncantur, nec parciatur generi, nec ordini, nec ætati, nec sexui (ita in omnes absque infantis delectu effrenus efferebet miles, & cruentus gladius debacchatur) Eia surge Rex gloriosissime, accingere gladio tuo super femur tuum potentissime contra exleges agarenos, contra perfidos hæreseos æmulatores, intende prospere, procede, & regna. Propter enim veritatem, & mansuetudinem, & iusticiam deducet te mirabiliter dextera tua. Sagitte tuæ acutæ: populi sub te cadent.

Haud enim parum (nō modo christianę religioni) sed & tui
 & proprio cuiuslibet regni incremento conduceret, si iactur
 ras, quas non multos annos citra ipsa religio passa est tecum
 nostri principes (quādoq; saltē) excogitarēt, idq; quod ad rei
 priuatę curam studium apponunt ad publicum cōmodum
 & cōmunem gloriam adhiberent. Quod si tu princeps au
 gustissime pro tua clementia, pro tua religione (vti roma
 nus pontifex de te sibi pollicetur) efficies, tantū tibi accedet
 ad gloriā, vt nihil sublimius, nihil prestantius accedere possit.
 Ipse sane summus sacerdos animo tenens assiduas pugnas,
 quas contra verę pietatis emulos, q in circuitu tuo sunt, quo
 tidie geris, frequentissimosq; triumphos ac singulares pal
 mas, quas adeptus es, illam insuper venerationē maximam,
 qua sanctam Romanam ecclesiam obseruare destitisti nunq
 tanta dilectiōe, tanta gratia, tanta beniuolentia, tam paterno
 amore maiestatem tuā complecti, tam deniq; tuę summę
 probitati propicius est: vt nihil supra possit: siq; in ineundo
 cum principe christiano nepotē tuo illustri fœdere, pace,
 ac concordia clementissimi pontificis mentem, iussaq; ac
 monita paterna capefcere decreueris, nihil sit quod optare
 velis: quod & ab ipsa pontificia amplitudine facile, non asse
 quare. Si vero hac lis impresentiarū mutua vestrum recon
 ciliatiōe tolli nō possit, suspendatur saltem eousq; quo a bea
 tissimo pontifice, sanctaq; apostolica sede, quę vnicuiq; iusti
 ciam exactissime ministravit semp, maturo consilio definiat.
 Non enim est nouum, aut recens tuę regię sublimitati Rex
 sapientissime, supremū omniū christianorū pontificem a deo
 optimo maximo summa illa, puidencia mortalibus esse con

cessum, non vt quiescat: sed vt inuigilet, ac sollicita semper, &
 studiosissima mente, quę Reipublicę nostrę conducant, ex
 suo sublimi fastigio speculetur. Vnde dominus ad eum per
 Ezechielem ait, Speculatorem dedi te domui Israel: audies
 de ore meo verbum, & annuncabis eis ex me: & per Hiere
 miam: Ecce cōstitui te super gentes, & sup regna: vt euellas,
 & destruas, & disperdās, & dissipēs, & ædificēs & plantes: &
 Paulus apostolicam designans sedulitatē inquit. Qui præest,
 in sollicitudine, & præter illa quę intrinsecus sunt, instantia
 mea quotidiana, sollicitudo omniū ecclesiarū. Curarū igitur
 molibus angī, inquietari, sollicitari, vīgilare, ac nocturnas etiā
 custodias super gregem suū habere omni pontifici (romano
 præsertim aliorū principi) ita propriū est: vt quāto magis his
 exerceat, tanto & verius pontifex existat. Sicuti enim quod
 propriū est ipsa quisq; natura optare consuevit, ita & san
 ctissimo pontifici optabile, & iucundū erit pro cōmunī inter
 te, & nepotem tuum christianos principes pace & cōcordia
 conciliandis huius causę sarcinam sacris humeris suscipere,
 ac pro imminentibus rei christianę discriminibus seposita
 omni requie celerius aut soluere, aut componere. Nec maxi
 mas quantūcumq; curas alias, & sollicitudines pontificem ali
 quorsum ab hac causa, vtcumq; ardua, quin non citius extri
 cetur deterrere, seuocare, aut impedire formides Rex inui
 ctissime: quū eiusmodi, & longe maioribus inter principes
 enodandis quæstionibus assueuerint Romani pontifices, ni
 hilq; hoc labore iucundius, preclariusq; ob publicam vtilita
 tem apud eos existimari merito possit. Sane exorta olim in
 ter Carolū magnum, & Pipinū iuniorem fratres Caroli

Eze. iij.

Hiere. i.

Ro. xij

ij. Co. ij.

Zacha.
papa.

Martelli filios super francorū regno, alijsue prouintijs graui contentione Zacharias Romanus pontifex non modo hanc disceptationē sua sentētia explicuit: verum & regno, & prouintijs ipsis ob Caroli magni ignauia Pipino adiudicatis Carolum ipsum pro cōmuni inter eos pace monasticam vitam eligere sua authoritate ac p̄suasionibus effecit, Chilpericoq; rege ob eandē desidiam a regno deiecto francigenas omnes ab fidelitatis iuramento, quo illi astringebant̄ absoluit. Suborta non multo post ab Constantino, & Leone eius filio imperatoribus afferendi auxilij Romanæ ecclesię difficultate: quę tunc ab Aistulpho longobardorū rege opprimebatur, Stephanus secundus Romanus Pontifex quo huic malo satius succurreret eam causam hac sententia absoluit: vt in latinos translato a grecis imperio, Carolum magnū Pipini filium ad imperij apicem prouheret: quem & Stephano ab humanis dudū erepto nata super ea re inter christianos principes ambiguitate, Leo tercius pontifex maximus imperatorem (nō modo declarauit) sed & imperiali diademate insigniuit: a quo & vsq; ad hęc tempora a grecis ad latinos translātū est, & p̄manet imperium. Dum inter se Ludouicus cognomento pius & Lotharius filius (Ludouico ipso etiam in vincula coniecto) de imperio decertarent Stephanus eius nominis quartus Romanus pontifex Ludouicū e custodia ereptum imperatorem creauit, & apud aurelianos inunctum coronauit, Sergius secundus pontifex maximus miserandam ac cruentam illam inter Lotharium imperatorem, & Ludouicū, atq; Carolum fratres de regno Aquitanie controuersiam missis eo legatis, diuisoq; regno suo arbitrio cōposuit atq; sedauit.

Steph. ij.

Leo. iij.

Ste. iij.

Sergi. ij.

Paschalis secundus pontifex Romanus, quum ob nonnulla christianorū schismata inter principes de feudis, atq; hominibus quęstio haberetur conuentu apud Guardacastellum in agro cremonensi habito, vnicuiq; quod suū erat decernens eam omnē controuersiam amputauit. Calistus itidem secundus omnes contentiones sua sententia, atq; imperio abstulit: quæ inter Guilelmum Apulie ducem, & Iordanū Campanie comitem, ac alios Italia insignes principes sauebant. Innocentius etiam secundus maximus pontifex implacabile illud bellum, quod inter pisanos & genuenses super re nauali & terris pluribus habebatur factio iudicio sua authoritate compescuit, & acrem inter electores discordiam de Lothario, & Conradi ad imperium prouectione declarato ac coronato Lothario explosit, Urbanus eius nominis tercius, & post eū Gregorius octauus, & Clemēs tercius, ac Celestinus iij. eam disceptationē, quæ inter Philippum francorū, & Ricardum Britannie reges, contra saracenos in Asia dimicantes super terrarum diuisione tunc exorta erat, suo arbitrio extinxere. Innocentius tercius mortuo Henrico dissidentibus electoribus, nonnullisq; Philippum Suevia principem & Hetruria ducem, nonnullis autē Othonem romanorū regem & Saxonie ducem ad imperiū eligentibus, destinato mox in Germaniam Legato, Othonem imperatorem declarauit. Clemens quoq; quartus controuersias diuturnas, quæ super finitimis terris inter Henricū Britannie regem, & Simonē Montisfortis comitem, & deinde inter florentinos & senenses intercesserant data sentētia refecuit, atq; amouit. Benedictus duodecimus, & Clemēs sextus romani pontifices ab Ludouico

Pascha. ij.

Calistus ij.

Inno. ij.

Urb. iij.

Gre. viij.
Clex. iij.
Cele. iij.

Inno. iij.

Clex. iij.

Bene. xij.
Clex. vi.

Bauaro imperij fascibus abrogatis, atq; de Mediolani & totius Insubriae dominatu, cui adiudicare, durante contentione quousq; suo decreto questio tolleretur Luchinum & Ioannē archiepiscopum vicecomites, illius prouintie vicarios pontificia authoritate assignarunt, & cōfirmarunt, Clementisq; ipsius mandato electores Carolum Ioannis Boemie Regis filium ad imperij apicem delegere. Innocentius quoq; sextus (vt plerofq; alios pontifices breuitate omittamus) venetos & genuenses diu inter se maritima pugna acerrime dissidentes, pisanosq; & florentinos sup limitibus & vicinis terris inuicem decertantes assignato cuiq; quod suū esset a bello desistere, & pacem inire coegit. Pontificis igitur iudiciū, nec tu Sigismunde Rex piissime, nec Albertus inclytus nepos tuus, & magnus Prussie magister, in hac cōtrouersia vllatenus euitare, aut honeste declinare potestis: quādoquidē & ad illum causę huius cognitio pertineat, & longe maiora, ac grauioris momenti christianorū principum dissidia & super regnis, & Romano imperio contentiones Romani pontifices Christi dei ac principis nostri veri in terra vicarij intermisso bello, & suspensis armis definierūt, sententiamq; sua pontificia maiestate ac decreto roborarunt, & obfirmarunt. Nec illos principes imitari debes: q armis atq; potētia ius sibi dicere, facereq; consueuere: sed eos qui pii: qui religiosi: qui christianū & innoxium sanguinē terris omnibus & regnis anteponentes nō tumultu bellico, non militari manu: sed iure, atq; sanctorum patrum decreto, siue arbitrio, quod suum esse censebant perquisiuere, & adepti sunt, Christi q; veraces cultores, & christianę pacis obseruatores cōstantissimos seipso exhibuere.

Hanc tuis excoelsis virtutibus, & rebus gestis, hanc tuis sublimibus preconijs laudē quoq; adijce Rex gloriosissime, Hanc in te pietatem erga deū optimū, hanc in te erga christianam tranquillitatē clementiam, hanc in te erga romanam ecclesiam insignem venerationem ostendas, atq; illam in te speculetur, in te admiretur, de teq; concionetur, & declamet christianus orbis vniuersus. Hoc de tua augustissima probitate sanctum: religiosum, piumq; & egregiū facinus Sigismunde chartis inscribatur, perpetuisq; annalibus commendetur, ac Sigismūdo Sarmatie Regi inuictissimo nihil ad gloriam de fuisse dicatur: qui omnem in re pruthenica causam suam: vt christiano sanguini parceret: vt christianis rebus consulere princeps religiosissimus in arbitrium, ac censuram beatissimi Leonis decimi Romani pontificis supplex & venerabundus reposuit, christianisq; principibus omnibus (vti ea tēpestate annis, & etate pater erat) ita & se eis religionis, & pietatis, omniumq; virtutū exemplar reliquit. Quod vt facias omnis & diuina & humana ratio expostulat, nosq; princeps optime votis omnibus obsecramus, quum & ipse reuerendissimus & illustris magister hoc idem nec detrectare nec refugere possit. Ceterum vt religioni, tuisq; probatissimis votis, satisfaciat pontifex, pia memorię Casimirum germanū olim tuum dulcissimū sanctissimę vitę meritis, ac miraculorū virtute preclarū in sanctorū cathalogum referre cupiens nobis accuratissime mandauit: vt de eius sanctimonía, integritate, ac mūditiā, gloriosiq; miraculis acitata hucusq; monimēta mature perspiciamus, omnesq; ad id necessarias agamus inuestigationes: quas & scripto redactas ad ipsum beatissimū

ps. lxxv.

antistitem, sacrumq; S. R. E. senatum vel nobiscū afferamus,
vel transmittamus. Ad quod opus tanto nos omni corde
promptiores accingimus, quāto & mirabilis, magis est deus
in sanctis suis. Hec sunt Rex clarissime, quæ celsitudini tue
apostolico iussu significanda suscepimus. Nonnulla quidem
alia, fidei nostræ credita habemus: quæ pro christianæ reipub-
licæ incumbētibus rebus Pontificis mandato, quū tibi in-
iucundum nō erit semotis arbitris aperiemus. Dixi.

NONO CALEN. MARTIAS.
M. D. XX.

PONTIFICATVS SANCTISSIMI
IN CHRISTO PATRIS LEO-
NIS DECIMI PONTIFICIS
MAXIMI ANNO VIII.

EIVSDEM REVERENDISS. PATRIS ZACHARIAE
Pontificis Gardien Legati apostolici ad serenissimū Poloniæ
Regem Sigismundum pro belli pruthenici suspensione ac
armorum depositione impetrata, gratiarū actio.

ETSI POTIVS OPTASSEM de perpetua inter te
& Albertum Prussiæ māgistrū facta reconciliatione ac pace
inīta (si datū esset) eternas deo opti. maxi, tibiq; Sigismūde
Rex potentissime gratias agere: pro cruento tamen hoc &
diuturno bello a te saltem intermisso eas nequaquā prætermi-
tendas esse censeo, quandoquidem tu princeps clementissi-
mus christianæ cladis misertus sanctissimi Leonis decimi an-
tistitis maximi paterno consilio ac imperio pontificio parere
pro innata tibi religione nō recusasti. Ampliore profecto ac
iucundiore gaudio letari decuisset: si omni pene christiano
orbe pacatō hanc quoq; habitabilis terræ extremitatem ab
omni bellī suspitione ac periculo immunem cōspicaremur,
illudq; dauidicum: quod quotidie ore versamus: Venite &
videte opera domini quæ posuit prodigia super terram afe-
rens bella vsq; ad fines terræ, in hoc tuo regno adimpletū esse
contueremur. At quum ad quattuor annorum inducias pro
beatissimi pontificis voto tuū animū inclinasti, quibus ad per-
ennem pacem via facilis habenda est, summo illi opifici im-
primis, a quo omne datum optimū & omne donū pfectum
est, quas possum immortales & immensas, tuæq; serenitati in-
gentes habeo, agoq; gratias, ac referre opto, postq; tot rei
christianæ periculis a te occurrī, postq; pontifici sanctissimo
obtemperat, postq; tot nostras curas, & operas assiduas: tot

101 / *101* varia, longa, & difficilia itinera, tot mentis & corporis discrimina, pericula, tot sedula officia frustra & in cassum non egimus, non suscepimus, ad illosq; pedes beatissimos, & thronū apostolicum tantorū laborum fructum aliquē referre liceat. Tuū erit interea rex amplissime eis cōditionibus, eis modis regium tuum animū benigne flectere & accomodare, qbus inter te auunculum serenissimū & Albertum ex sorore nepotem principem excellentissimū, ac ordinem theutonicorū vera, integra, ac perpetua recōciliatio, pax, & necessitudo instaurantur, illaq; dissidia, illa arma: qua haecenus inter vos efferbuere, in hostes christiani generis & catholicę vnitatis inimicos: quos in ianuis vestrum vterq; habetis reijciantur. Subeat nunc illa sancta & salubris cogitatio assumēdi arma in turcas, in mauros, recuperādī patriam illam mystico lacte & melle manantem, vbi deus noster ante sēcula operatus est salutem in medio terre: vt inde omni infidelium, & immun-dorum hominum lue eliminata, & sublata tyrannide liberi adoremus in loco vbi steterūt pedes eius. Subeat nunc cura illa egregia & insignis eripiendi fratres nostros, verum semen Abraę de impijssimi Maumethis iugo, ac oriētale imperium sanctę & immaculatę religioni restituendi. En sub crudeli diutinaq; seruitute genus electum, regale sacerdotium, gens sancta, populus acquisitionis languet, super flumina babilonis sedet, & luget dum recordatur libgrę Syon nostrę. Huc rex inuictissime: huc rex gloriosissime vna cum nepote tuo charissimo Alberto illustri principe, vna cum christianis principibus vniuersis apprehēde arma & scutū, & exurge in adiutor iū christiani populi. Effunde frameā tuā aduersus eos

28
qui nos persequuntur. Hęc enim sunt quę te gloriosissimū, tuamq; prolem dulcissimā Sigismundū Augustū principem quem diu votis omnibus efflagitatum, expectatum a deo optimo ex Bona regina inclyta tandem, quū ex aragonum regibus tum ex sforciadum ducum sanguine prestantissima, nostręq; Italię splendore candidissimo impetrasti faustum & inuictum vbiq; posteritatemq; tuam quaternam efficient. Gratulor itaq; quieti tuę rex amplissime, gratulor tranquillitati, vixq; explicari a me potest quanta leticia, quāto gaudio mea vndiq; precordia cōpleant: quū te sospitem, pacatumq; modo in regiam tuā urbem Graccouā reducem almę coniugis, chariq; Augusti: quē amplius vidisti nunq; & dulciū pignorum, a qbus abfuiſti diu, iucundissimo cōspectu oblectandū adeo esse his oculis, pſpecturus sum: vt omniū curarū quas haecenus subiſti, sustinuiſti, tum te oblitū fateare. Dixi.

THORVNII IN PRVSSIA
VII. IDVS APRILIS
M. D. XXI.

PONTIFICATVS SANCTISS. PATRIS
LEONIS X. ANNO IX. REGNI VERO
SERENISS. POLONIAE REGIS
SIGISMVNDI. XV.





